



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Bonacinæ Vtrivsque Signatvræ Referendarii
Compendium Omnim Operum de Theologia Morali,
omnibusque conscientiæ nodis**

Bonacina, Martino

Coloniæ Agrippinæ

Impedimentum impotentiæ.

urn:nbn:de:hbz:466:1-41152

vel consanguineis, constituta est pena excommunicationis ipso facto incurrienda. *Ibid. num. 19.*

135. Utique conjux privatur jure petendi debitum, quando utique copulam habuit cum consanguineis alterius conjugis, aut unus tantum, sed de consensu alterius. *Ibid. num. 21.*

136. Maritus contrahens affinitatem cum propria uxore innocentie, tenetur reddere debitum: nam innocens non privatur jure suo ob crimen alterius. Item maritus, qui factus est affinis cum uxore ante matrimonium consummatum, non tenetur ingredi religionem, quia nullo jure probatur ad hoc teneri. *Ibid. n. 22 & 23.*

Impedimentum impotentiae.

137. Illa dicitur impotentia perpetua coeundi, quæ non potest removeri arte humana, vel absque probabili vita periculo. *Ibid. punct. 13. n. 1.*

138. Illa est impotentia perpetua, quæ non potest auferri absque arte magica, vel peccato, vel miraculo; vel si aliter tolli possit, non potest tamen sine corporali periculo. Unde fit ut matrimonium contractum cum impotente, qui post matrimonium miraculosè liberatus est ab impotentia, non sit validum. *Ibid. num. 2. & seq.*

139. Ex triplici capite oriri potest impotentia perpetua. Primo, ex improprietate naturali, ut quando femina ita est arida, ut non possit à viro carnaliter cognosci: quod si femina arcta, sibi possit apta proprio viro per incisionem, tenetur eam pati etiam cum gravi dolore. Secundo, oriri potest ex nimia caliditate, vel frigiditate, quando nimis copula propter frigiditatem consummari, & secundum emitti non potest. Tertio, ex maleficio perpetuo, facto ad impedendum congressum, & copulam inaritalem. Perpetuum dicitur post experientiam triennalem, quando præmissis precibus & aliis remedis pro maleficio amovendo, amovere nequiverunt. *Ib. n. 6 & seq.*

140. Conjugus non tenetur redire ad priorem conjugem, quando non constat an sublatum sit maleficium, secus dicendum si constet. *Ibid. n. 10.*

141. Quando dubitatur an maleficium præcesserit matrimonium, præsumendum est maleficium fuisse factum ante matrimonium, & consequenter esse impedimentum diuinis matrimonium. *Ibid. num. 11.*

142. Impotentia perpetua coeundi antecedens matrimonium, dirimit matrimonium, non solum jure Ecclesiastico, verum etiam jure naturae ex quacumque causa provenientem. *ibid. num. 12.* Quare

143. Validum est matrimonium cum femina quæ potest semen recipere, quamvis ipsa non seminet, vel non retinet semen susceptum, cum semen feminine non sit necessarium ad generationem. Validum adhuc est quando femina potest reddere debitum, sed non nisi cum gravissimo sanitatis periculo, vel vita periculo in partu, &c. non enim est affectus impotentia perpetua. Similiter validum est etiam intersteriles intercedit enim vera copula apta ex sua natura ad generationem. Idem dicendum de matrimonio contracto à fenebris crepito, non omnino impotente ad habendam copulam, & cùs afferendum de eunacho perfecto, vel spadone, qui scilicet caret semine apto ad generationem. *ibid. n. 14 & seq.*

144 Conjugibus, quibus constat adesse impotentiam perpetuam, illicitum est petere debitum vel reddere, nec possunt delectari tangendo, osculando &c. *ibid. n. 20.*

145. Triennium quo permittitur conjuges simul habitu ad probandum impotentiam, incipit à die attentatae copulae, incipit tamen pro arctatione, quando incipiunt remedia inhiberi. *ibid. num. 21.*

146. Quando unus conjugum ingreditur religionem & præsumptione impotentiae, sed postea cognoscitur error, non debet redire ad uxorem, si professus est ante consummatum matrimonium. Idem dicendum quando uterque conjux ingreditur religionem ob errorem impotentiae præsumptuante consummatum matrimonium. *ibid. n. 22. & 23.*

147. Sufficiens sacros ordines ob præsumptionem impotentiae, restituendus est uxori petenti, si cognoscatur error, teneturque reddere debitum uxori, sed non petere. *ibid. num. 24.*

148. Invalidæ sunt secundæ nuptiæ, quando unus illas celebravit, & alter religionem ingressus est, credens adesse impotentiam perpetuam, quæ tamen non aderat, si matrimonium consummatum fuerat: si non, validæ sunt secundæ nuptiæ, si eas post professionem alterius celebravit. *ibid. n. 15.*

149. Hermaphroditus potest validè matrimonium in iuxta sexum qui in ipso prævalet: si vero sexus sit æqualis, potest secundum eum quem maluerit, contrahere matrimonium.

nium: quod si semel contraxerit matrimonium juxta unum sexum, peccat, si mortuo conuge juxta alium sexum matrimonium contrahat: si tamen contrahat, tenet matrimonium. Parochus non debet assistere matrimonio hermaphrodit, in quo uterque sexus est aequalis, donec hermaphroditus protensus sit coram judge Ecclesiastico cum juramento quem sexum sequi velit. *ibid. num. 26. & seq.*

Impedimenta non dirimentia.

Sunt hæc versibus sequentibus contenta:

*Ecclesia vetitum, nec non tempus feriatum,
Atque catechismus, sponsalia, jungito votum,
Impedient fieri, permittunt facta teneri.*

150. Per *Ecclesia vetitum*, intellige interdictum, quod est prohibitio, qua certo anni tempore interdicitur matrimonium ab Ecclesia, & contrahens cum hujusmodi interdicto, peccat mortaliter. *ibid. punct. 14 num. 1. 2. & 3.*

151. Vetitum est per Trident. sess. 2. 4. cap. 10. celebrare matrimonium à primo die Adventus Domini usque ad diem Epiphaniae, & à quarta feria Cinerum usque ad Octavam Paschæ inclusivè; tamen de licentia Ordinarii possunt dictis temporibus celebrari sponsalia & matrimonium sine solemnitate. *ibid. num. 4.*

152. Aliud impedimentum impediens matrimonium contrahendum sunt sponsalia priùs celebrata cum alia persona, hinc qui uni promisit matrimonium, non potest alteri nubere, nisi dissoluta fuerint priora sponsalia. *ibid. num. 5.*

153. Tertium impedimentum impediens est *catechismus*, qui est instructio fidei quæ sit solemniter ante januam Ecclesie super baptizando, vel jam baptizato ex quatenus puerum contrahit cognitionem spiritualem imperfectam quæ impedit matrimonium; multi tamen volunt hoc impedimentum sublatum fuisse, nec videtur opus esse dispensatione petenda à Sede Apostolica, sed ab Episcopo. *ibid. n. 6.*

154. Quartum impedimentum est votum simplex castitatis, vel ingrediendæ religionis, vel suscipiendi sacros ordines, vel non nubendi. Vota simplicia Societatis Jesu ex motu proprio Gregorii XIII, irriuant matrimonium. *ibid. n. 7.*